

卷廿四至廿陸

婦人門 結核方論 赤白帶風 婦人痲瘋 鶴膝風

足跟瘡腫 肺癰 腸癰 乳癰 岩

卷三十五

小兒門

幼科一切 目列廿五六篇首

赤水玄珠全集

赤水玄珠婦人門第二十四卷目錄

耳

結核方論

赤白遊風

婦人疝瘕

鶴膝風

足跟瘡腫

肺癰

腸癰

乳癰乳岩

不
論
其
長

訓
導
其
長

訓
導
其
長

訓
導
其
長

訓
導
其
長

訓
導
其
長

訓
導
其
長

訓
導
其
長

訓
導
其
長

訓
導
其
長

訓
導
其
長

赤水玄珠婦人門第二十四卷

耳

新安生生子孫一奎著輯

立齋曰耳瘡屬手少陽三焦及足厥陰肝經血虛風熱或怒動肝火而致若發熱瘰癧痛屬三焦厥陰風熱用柴胡清肝散若寒熱作痛或作嘔吐乃肝火傷脾用益脾清肝散若口乾足熱爲肝腎陰虛用益陰腎氣丸若月經先期爲血熱用加味逍遙散過期爲血虛用八珍湯食少體倦爲鬱火加味歸脾湯惡寒發熱肢體倦怠爲氣血俱虛用十全大補湯慎不可專治其外復傷氣血也

一婦耳內外腫痛胸膈不利寒熱往來小便不調此肝火傷血先用龍胆瀉肝湯四劑諸症頓退又用加味逍遙散而痊又因怒復作用柴胡而安

一寡婦耳內外作痛不時寒熱脉上魚際此血盛之症用小柴胡加生地以抑其血而愈又項間結核如貫珠寒熱晡熱用加味歸脾湯加味逍遙散調補肝脾而愈一女子耳下腫赤寒熱口苦月經不調小腹內結一塊此肝火氣滯而凝也先用小柴胡加山梔川芎丹皮又用柴胡清肝散而痊

小柴胡湯 治肝胆經症寒熱往來晡熱潮熱身熱默默不欲飲食或怒火口苦耳聾咳嗽發熱脇下作痛甚者轉側不便兩脇痞悶或瀉痢咳嗽或吐酸食苦水皆用此藥主之 柴胡二錢 黃芩炒一錢 人參 半夏各七分 炙甘草五分 姜三

片水煎服

加味小柴胡湯 治肝胆經風熱前後腫痛或結核瘰癧痛或寒熱晡熱或經候不調

等症 即前小柴胡湯加山梔丹皮

益脾清肝散 治肝經之症寒熱體痛脾胃虛弱 人參 白朮炒 茯苓各一錢

炙甘草 柴胡各五分 川芎 川歸 黃耆各一錢 丹皮七分 水煎服

梔子清肝散 治三焦及肝胆經風熱耳內作痒或生瘡出水或脇肋胸乳作痛寒

熱往來 柴胡 山梔炒 丹皮各一錢 茯苓 川芎 芍藥 當歸 牛蒡子炒

各七分 白朮炒 甘草各五分 水煎服

柴胡清肝散 治肝胆三焦風熱怒火以致項胸作痛或頭目不清或耳前後腫痛

或寒熱體痛 柴胡 黃芩炒 甘草各五分 人參 山梔炒 川芎各一錢 連翹

桔梗各八分 水煎服

犀角地黄湯 治上焦有熱口舌生瘡發熱或血妄行或吐衄或下血 犀角

生地 白芍藥 黃芩炒 牡丹皮 黃連炒各一錢 水煎服因怒而患者加柴

胡山梔

犀角升麻湯 治陽明經風熱牙疼或唇頰腫痛或手足少陽經風熱連耳作痛

犀角 升麻 防風 羌活各一錢 白附子五分 川芎 白芷 黃芩炒各七分

甘草五分 水煎服

當歸川芎散 治手足少陽經血虛瘡症或風熱耳內痒痛生瘡出水或頭目不清

寒熱少食或經水不調胸膈不利腹脇痞痛小便不調 當歸 川芎 柴胡

白朮炒 芍藥炒各一錢 山梔炒一錢二分 丹皮 茯苓各八分 蔓荊子 甘草各五分

水煎服

雜方

加味地黃丸

治肝腎陰虛諸症或耳內疼痛出水或眼昏痰喘或熱渴便澀等症

乾山藥

山茱萸

澤瀉

牡丹皮

柴胡

白茯苓

熟地黃

生地

五味子各等分爲末

右將煉蜜爲丸梧子大每服百丸空心白湯下如不應用

加減八味丸

人參養榮湯

治潰瘍寒熱四肢倦怠體瘦少食面黃氣短不能收斂大瘡愈後多

服之庶不變他症也

白芍藥一錢五分人參

陳皮

黃耆炒

桂心

川歸

白朮炒炙甘草各一錢

熟地

五味子炒茯苓各七分

遠志去心炒五分

入姜

棗水煎服

瀉青丸

治肝經實火脇乳作痛或惡寒發熱大便秘結

川歸

龍胆草炒焦

川芎

山梔炒大黃炒羌活

防風各等分

右爲末蜜丸梧子大每服三四

丸白湯下○若陰血不足肝火血燥用四物加山梔柴胡或逍遙散加丹皮

山梔○若腎水虧損不能生肝木而筋攣結核或肢節攣搐或似中風涎痰

上湧用六味丸料煎服

生地黃丸

治師尼寡婦室女乍寒乍熱或頸間結核肝脉弦長直出魚際 生地

秦朮

黃芩

硬柴胡各五分

赤芍藥一兩

右煉蜜爲丸梧子大每服三十

丸烏梅湯下

連翹飲子

治肝胆經氣滯癰癰結核或乳內結核者

連翹

川芎

瓜蒌仁

橘葉

皂角刺炒

青皮

甘草節

桃仁各一錢

水煎服

散腫潰堅湯

治癰癰堅硬氣血無虧者

升麻

連翹

川歸尾

白芍

葛根

三稜酒拌廣木微炒各三分

龍胆草

桔梗炒

昆布

知母酒炒

瓜蒌仁各五分

柴胡四分

黃芩酒炒五分

炙甘草二分

右水煎服

必效散

治癰癰未成者消已潰者歛須元氣無虧者可服孕婦勿服

南蓬砂二

錢半

輕粉一錢

斑貓四十枚去頭足同糯米炒去米

射香五分

巴豆五粒去壳心膜

白檳榔一枚

右爲末每服一錢五更用滾湯調下如小水瀉滯或微疼此癰

毒欲下也進益元散一服即下

此方斑貓巴豆似爲峻厲然用巴豆乃解

斑貓巴豆用者勿畏也

益元散

滑石飛六錢

甘草

各爲末每服一二錢白湯調下

琥珀膏

治頸項或腋下初結小核漸如連珠潰而膿水不絕或漏症者

琥珀二兩

丁香

桂

硃砂

木香

松香俱爲末

白芷

防風

當歸

木通

木別子肉各五錢

麻油二斤

將后五味入油煎熬藥焦濾去渣徐徐

入黃丹再熬軟硬得所入前末藥即成膏矣

針頭散

治一切頑瘡內有瘀肉或癰核不化瘡口不合宜此藥腐之赤石脂五錢

乳香

白丁香

砒礬生用

黃丹各一錢

輕粉

射香各五錢

蜈蚣一條

爲末搽瘀肉上其肉自化若瘡口小用糊和作細條陰乾經之凡瘡久不合

者內有膿管必須用之

結核方論

婦人結核皆因鬱怒傷損肝脾或因胎產經行失於調護或因暴怒觸動肝火若結於項側耳前後或胸脇腫痛或發寒熱屬胆經風熱怒火宜用柴胡清肝散加鈎藤山梔以養血氣清肝火若結于肉理其色不變晡熱內熱屬肝火血虛宜加味逍遙散加龍胆草以養肝血清肝火或結于肢節或累累如貫珠其色不變亦肝火血燥而筋攣宜用柴芍參苓散加鈎藤以養血氣佐以六味丸以生腎水若時消時作此氣滯而痰結也用歸脾六君二湯以調和脾肺之氣並佐以海藻丸若潰而核不腐或肉不生或膿水清稀肌寒肉冷自汗盜汗寒熱內熱面色痿黃食少體倦便利不調者五臟皆虛也但用補中益氣加味六君子二湯調補脾胃以滋諸臟則各症自退故經云形傷則痛氣傷則腫慎不可輕用行氣破血而復傷也

一婦項結核寒熱頭痛脇脹乳痛內熱口苦小便頻數屬肝火血虛用加味四物而愈又用加味逍遙散調補肝脾而安

一婦耳內耳後項側結核作痛寒熱口苦月經不調此肝胆經火而傷脾胃也用四君柴胡丹皮及六味丸而愈

一婦項患五核時常寒熱肝脉弦長而出寸口此血盛無偶之症也用小柴胡湯加生地烏梅而愈

加味逍遙散 治肝脾血虛有熱遍身搔痒或口燥咽乾發熱盜汗食少嗜臥小便

澀滯等症又治癰癰流注虛熱等瘡 炙甘草 當歸炒芍藥酒炒 茯苓

白朮炒各一錢 柴胡 牡丹皮 山梔炒五分 水煎服

逍遙散 即前方減丹皮山梔

歸脾湯 治脾經失血少寐發熱盜汗或思慮傷脾不能攝血以致妄行或健忘怔

忡驚悸不寐或心脾傷痛嗜臥少食或憂思傷脾血虛發熱或肢體作痛大便秘

調或經候不准晡熱內熱或癰癰流注不能消散潰斂 人參 白朮炒黃耆炒

茯苓 當歸 遠志 酸棗仁炒各二錢 木香 炙甘草各五分 龍眼肉三枚

姜棗水煎服

加味歸脾湯 即前方加山梔柴胡

柴朮參苓湯 治肝火血熱遍身搔痒或起赤暈或筋攣結核 白朮 人參

茯苓各一錢 柴胡 川芎 山梔炒芍藥炒甘草炒各五分 熟地八分 當歸八分

水煎服

柴芍參苓散 治肝胆經部分結核癰癰癰癰等症或肝血燥脾氣虛弱發熱少食

柴胡 芍藥炒人參 茯苓 白朮炒山梔炒陳皮 當歸各一錢 丹皮

甘草各五分 姜棗水煎服

清肝益榮湯 治肝胆經風熱血燥筋攣結核或作癰子 柴胡 薏苡仁 茯苓

木瓜 熟地各一錢 山梔 龍胆草 白朮炒各五分 川芎 芍藥炒各一錢

甘草三分 水煎服

清熱涼血飲 治風熱血燥丹毒等症大便秘結 當歸 川芎 大黃炒芍藥炒

生地各一錢 水煎服

神效開核散 消癰塊甚效 沉香 木香各二錢 橘紅四兩 珍珠四十九枚入灌封固

煨亦存性出火毒猪鬃子四十九枚豚豬生項間如棗子大 爲末每服一錢臨臥酒調

徐徐嚥下輕者三五服重者十服可愈切忌酸鹹油膩滯氣之物須用除日

于靜室修合

海藻散堅丸 治肝經癰瘤 海藻 昆布各二兩 小麥四兩醋煮晒乾 柴胡二兩

龍胆酒拌炒焦二兩 爲末蜜丸梧子大每服三十丸臨臥白湯送下噉化嚥之

尤妙○凡患瘰癧服調治之藥未應宜佐以前二藥

益氣養榮湯 懷抱抑鬱瘰癧流注或四肢患腫肉色不變或日晡發熱或潰而不

斂 人參 茯苓 陳皮 貝母 香附 川歸 川芎 黃耆鹽水拌炒熟地

芍藥炒各一錢炙甘草 桔梗炒各五分白朮炒二錢 入姜水煎服

木香餅 治氣滯結腫閃肭風寒所傷作痛 木香爲末五錢生地一兩 搗地黃膏

和勻量患大小作餅子置患處以熱熨斗熨之腫痛悉退

當歸飲 治熱血癰疹疼痛膿水淋漓發熱等症 當歸 白芍藥 川芎 生地

白蒺藜炒黃耆各一錢 防風 荊芥 何首烏忌鐵 甘草各五分 水煎服

赤白遊風

婦人赤白遊風屬肝經鬱火血燥生風或脾經鬱結血虛生熱或腠理不密風邪外襲其症或疣瘰癧痒或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛六味丸脾經鬱熱加味歸脾湯肝脾血虛風熱加味逍遙散若因風邪鬱熱所致用荊防敗毒散或專用祛風之劑肝血愈燥則血隨火化反爲敗症矣

一婦身如丹毒搔破膿水淋漓熱渴頭暈嘔時益甚用加味逍遙散而愈

一女赤暈如霞作痒發熱用加味小柴胡加生地連翹丹皮而愈 大凡女子天癸未至婦人月經不調受驚着惱多有此症

消風散 治風寒癰疹痒痛或膿水淋漓頭皮腫痒 荊芥穗 炙甘草 陳皮

人參 茯苓 白姜 蚤炒 防風 芎藭 藿香 羌活 蟬蛻各一錢

厚朴姜製五分水煎服

大連翹飲 治風熱熱毒赤白遊風表裏皆受患者 連翹 瞿麥 荊芥 木通

蟬蛻 甘草 赤芍 防風 柴胡 滑石 山梔炒 黃芩炒 川歸一錢

水煎服

婦人疝疔一名便癰 一名便毒 俗名瘡子

婦人疝疔或肝經濕熱下注或鬱怒傷損脾肝其外症或拘小腹腫痛或玉門癰腫作痛或寒熱往來增寒壯熱其內症或小便澀滯或腹內急痛或小腹痞悶或上攻兩脇或嘔熱重墜若兩拘小腹腫痛肝經濕熱壅滯也用龍胆瀉肝湯玉門腫

脹肝火血虛也用加味逍遙散及龍胆瀉肝湯加木香若槩投散血攻毒之劑則誤甚矣

一婦人拘中赤腫脹痛此膿內作用托裏消毒散加此數劑潰而膿清寒熱乃氣血復虛用托裏散而寒熱止用十全大補湯百餘劑而斂

一婦人腹拘腫痛寒熱口苦或時帶下此肝經濕熱不利也用龍胆瀉肝湯而腫痛消用加味逍遙散而寒熱退

一婦人腹拘腫痛小水不利時或胸乳作痛脇腹作脹此肝火氣滯用四物柴胡青皮玄胡木香而愈

一婦人兩拘腫痛腹內一塊不時上攻月經不調小便不利余以爲肝脾氣滯而血傷以四君子加芎歸柴胡山梔而愈後因鬱怒前症復作兼胸滿腹脹盜汗此肝木甚而傷脾土也用加味歸脾湯下蘆薈丸而痊

一婦人陰中如梗兩拘腫痛寒熱不食小便頻數小腹重墜余以爲肝脾鬱怒所致先以補中益氣加茯苓山梔車前子青陳以清肝火升脾氣更以加味歸脾湯調理脾鬱而愈

龍胆瀉肝湯

治肝經濕熱兩拘腫痛或腹中疼痛或小水澀滯等症

龍胆草酒

拌炒黃

澤瀉各一錢

車前子炒生地黃酒拌

木通

山梔炒黃芩

甘草各五分

右水煎服

九味柴胡湯

治肝經濕熱下注便毒腫痛或小腹脇肋結核凡肝胆經部分一切

瘡瘍或風熱結核瘰癧

柴胡

黃芩炒各一錢人參

山梔炒半夏

龍胆草炒焦

川歸

芍藥炒甘草各五分

右水煎服

蘆薈丸

治肝氣不和尅侮脾胃而患諸症或三焦肝胆經風熱目生雲翳或疔熱

瘰癧耳內生瘡寒熱作痛肌體消瘦發熱作渴飲食少思肚腹不調或牙齦蝕落

頰腮腐爛下部生瘡等症

蘆薈五錢

胡黃連

當歸

芍藥炒龍胆草酒浸炒焦

川芎

蕪荑各一兩

木香

甘草炒各三錢

右爲末用米糊丸麻子大每服五

十丸滾湯下

鶴膝風

婦人鶴膝風症因胎產經行失調或鬱怒虧損肝脾而爲外邪所傷或先腿脚牽痛先或肢體筋攣旣而膝漸大腿漸細如鶴膝之狀而名之也若高腫赤痛者易治若漫腫不赤痛者難治二三月潰而膿稠者易治半載後潰而膿清者難治設先攻伐虧損元氣尤爲難治也大要當固元氣爲主而佐以大方風湯若食少體倦者六君子湯爲主哺熱內熱者逍遙散爲主寒熱往來者八珍湯發熱惡寒者十全大補湯不寐而驚悸者歸脾湯月經過期者補中益氣爲主月經先期者加味逍遙散爲主凡潰後當大補脾胃若膿出反痛或寒熱煩渴等症皆屬氣血虧損一切主于補培庶保終吉

一婦患鶴膝兩拘中腿股筋牽作痛內熱寒熱此肝火氣滯之症先用加味小柴胡湯四劑後以加味逍遙爲主佐以大方風湯而消又患痢後兩膝腫痛寒熱往來

用十全大補湯爲主佐以大防風湯而全消

大防風湯

治陰虛邪襲腿膝腫痛等症

防風

附子炮牛膝

白朮炒羌活

人參各一錢

川芎一錢五分桂心

黃耆炒各一錢芍藥炒杜仲姜製各二錢

甘草五分

熟地一錢半

水煎服

黑丸子一名和風定痛丸

治跌撲墜墮筋骨疼痛或瘀血壅腫或外感風寒肢體作痛

若流注膝風初結服之自消若潰而膿清與補氣血藥自斂孕婦勿服 百草霜

白芍各一兩

南星

川烏各炮三錢白斂

赤小豆各一兩半白茂

川歸 骨碎

補炒各八錢牛膝六錢

右爲末酒糊丸桐子大每服三十丸鹽湯溫酒仕下

聖愈湯

治血虛心煩睡臥不寧或五心發熱

熟地黃

生地黃

黃耆炒

人參

川芎

川歸各一錢

水煎服

八味丸

治火衰不能生土以致脾胃虛寒而患流注鶴膝等症不能消潰收斂或

飲食少思或食而不化或臍腹疼痛夜多漩溺益火之原以消陰翳即此方也

熟地黃自製乃佳八兩

山茱萸肉 山藥各四兩

茯苓

牡丹皮

澤瀉各二兩

桂心去粗皮能補腎而引虛火下行歸原二兩

大附子用一兩五錢重者切四塊用童便浸數日

火煨切看無白星爲度

右爲末蜜丸桐子大每服七八十丸滾湯下

婦人足跟瘡腫

足跟足指腫痛足心發熱者皆因胎產經行失于調攝虧損足三陰經虛熱所致若腫痛或出膿用六味丸爲主佐以八珍湯胃虛懶食佐以六君子湯寒熱內熱佐

以逍遙散哺熱益甚頭目不清佐以補中益氣湯痰盛作渴或口舌生瘡亦用前二藥以滋化源大凡發熱內熱哺熱自汗盜汗等症皆因虛假熱也故丹溪謂火起九泉陰虛之極也蓋足跟乃督脉發源之所腎一經所過之地若不求其屬而泛用寒涼則誤甚矣然俗謂爲兔嚙瘡者蓋獵人被兔咬足跟久而不斂氣血瀝盡其人必死男子酒色過度者亦多患此症

一婦兩足發熱足跟作痛日哺熱甚此腎肝血虛用逍遙散六味丸五十餘劑諸症悉退

六味丸 此壯水制火之劑治腎虛發熱作渴小便淋秘痰壅失瘖咳嗽吐血頭目暈眩眼花耳聾咽喉燥痛口舌瘡裂齒不堅固腰腿痿軟五臟虧損自汗盜汗便血諸血凡肝經不足之症尤當用之蓋水能生木故也此水泛爲痰之聖藥血虛發熱之劑又治肝腎精血不足虛熱不能起床即仲景八味丸去附子桂心

肺癰

婦人肺癰因外內蘊熱或七情鬱火誤行汗下重亡津液以致肺氣受傷而惡風咳嗽鼻塞項強胸脇脹滿呼吸不利吐痰濁膿血腥穢若咳嗽喘急寒邪在表也小青龍湯咳嗽胸脹寒邪內壅也葶藶大棗瀉肺湯脇脹咳唾腥臭膿已成也桔梗湯咳嗽短氣或小便短少肺氣虛也佐以參耆補肺湯體倦少食或喘嗽短氣脾肺虛也佐以參朮補脾湯作渴飲冷午前嗽甚胃火盛也竹葉石膏湯作渴內熱午後嗽甚陰血虛也六味丸四物湯口乾飲湯體倦少食胃氣虛也補中益氣

湯加五味麥冬口乾內熱咳嗽痰涎腎水虛也六味丸益氣湯黃昏熱或嗽甚陰火熾也六味丸四物湯加五味麥冬五更嗽或痰甚脾肺虛也六君子湯嗽而不得眠及兩脇疼肝火血虛也六味丸益氣湯大凡前症因外淫所侵當祛邪而實上因心火太過當伐木而補金若肺氣虛弱當補脾土而生肺金若陰火上炎當補脾肺以滋腎水然而發熱喘咳嗽唾膿血飲食不入皆脾土不能生肺金肺金不能生腎水之敗症苟能純補脾土而生諸臟多有復生者若用寒涼脾胃復傷則肺金失養腎水益涸虛火上炎薰蒸于肺吾未見其能生之者其唾膿血脉浮面色赤者俱難治若陰火妄動或勞嗽吐膿血者尤難治若膿自止脉浮短濇及始萌者易治

一婦素血氣發熱咳嗽服痰火之劑後吐膿血面赤脉數其勢甚危此膿成而氣血虛也用八珍湯補元氣桔梗湯治肺癰而愈

青龍湯 肺受風邪咳嗽喘急 半夏 乾姜 細辛 麻黃去根節 肉桂 芍藥

炙甘草各一錢 五味子炒五分 大附子炮五分 水煎服

葶藶大棗瀉肺湯 治肺癰胸膈脹滿上氣喘急或身面浮腫鼻塞聲重用葶藶炒

黃研末每服三錢先用棗十枚水煎入藥再煎食後服

桔梗湯 治肺癰咳而胸膈隱痛胸次腫滿咽乾口燥煩悶作渴濁唾腥臭 桔梗

枳殼 以仁 桑皮各炒 當歸 貝母 瓜蒌仁 甘草節 防己去皮各一錢

黃耆鹽水炒 百合蒸各一錢半五味子炒甜葶藶炒地骨皮 知母炒杏仁各五分

姜水煎服

人參補肺湯 治肺癰腎水不足虛火上炎咳嗽唾膿血發熱作渴小便不調 人參

黃芪炒 白朮 茯苓 陳皮 川歸各一錢 山茱萸 山藥各二錢 五味子

麥冬 炙甘草各七分 丹皮一錢 熟地一錢半 姜水煎服

參芪補脾湯 治肺症因脾氣虛弱咳嗽唾膿涎中滿不食宜兼服此藥以補脾土

肺金 人參 白朮各二錢 黃芪炙二錢半 茯苓 川歸 陳皮各一錢 升麻三分

五味子四分 炙甘草 姜水煎服

人參平肺散 治心火剋肺金患肺痿咳嗽喘嘔痰涎壅盛胸膈痞滿咽隘不利方

見嗽門

腸癰

婦人腸癰因經行產後瘀血或七情飲食所致其証小便如淋發熱惡風身皮甲錯腹皮腫急按之軟如腫狀或腹脹大轉側有水聲或繞臍生瘡或大便出膿其脉遲緊者膿未成用活命飲以解其毒脉滑數者膿已成用雲母膏以下其膿若二年間遍身微腫大便與臍出膿此息積之症也多致不救內經云腸癰爲病不可驚驚則腸斷而死其坐臥轉側宜徐緩時常少飲稀粥淨養調理庶可保生

一婦人小腹腫痛小便如淋此毒結于內用神效瓜蒌散二劑少愈又以薏仁湯二劑乃痊

一婦人小腹痛而有塊脉乳而瀉此瘀血爲患以四物加玄胡索紅花桃仁牛膝木香